

تورک تاریخ انجمنی

مجموعی

۱ مارٹ
۱۳۴۰

اون در دنجی سنه
نوسرو ۲ (۷۹)

خزینة اوراق تدقیقاتی:

فاتح زماننده تکه ایلی

تکه ایلی سلچوقیلر زماننده مهم بر تجارت مرکزى اولقله مشهوردی. سلچوقی سلطانى برنجی علاءالدین، آق دکزده یکاه مخرج اولوق اوزره، تکه ایلندن استفاده ایتدیکی کبی، قره دکزده ده (سینوب) دن استفاده ایدردی. تکه ایلنک مرکزى (آنطالیه) ایدی.

ابن بطوطه (۷۳۲) ده آنطالیه بی زیارت ایتدیکی زمان، شهرى حضر بن یونس بک اداره ایدیوردی. ابن بطوطه دییورکه:

« آنطالیه اک کوزل بلاددن وساحه سنک وسعتی، نفوسنک کثرتی و طرز ترتیب وانشا. سنک لطافتی اعتساريله برنجی درجه شهرلردندر. سکانندن هر فرقه فرق سائردهن تماماً آیرودر. تجار نصاری (میناء) نامیله معروف محله ساکن اولور. محله لرینک اطرافنده بر سور بولنور. کیجه لین وصلاة جمعه ادا اولندیفی ائشاده قبولری قیانور. اهالی قدیمه سی اولان روملر، دیکرلردن منفرد بر حالده، دیکر محله اقامت ایدرلر.

بونلرک محله سی ده سور ایله محاطدر. کذلک یهودیلرک دخی سور دروننده اوله رق آیرو محله سی بولنور. ملک ایله رجال دولت و مالیکی سور ایله اطرافى احاطه و سالف الد کر محله لردن تفریق ایدلش اولان بر بلده ده ساکندر. بوبلده ده برجامع و مدرسه و حمامات کثیره و حسن صورتله مرتب اسواق و اسعه موجوددر. اطرافى، بالاده ذکر ایتدیکمز مواصی حاوی اولوق شرطیله، بر سور عظیم ایله محاطدر. بستانلری چوق و میوه سی لندندر. از جمله اوراده قرالدین تسمیه قلنان بر نوع قایصی پک نفیس اوله رق، چکرکی طاتلی بر بادى حاویدر. بومیوه توریدیلوب مصر دیارینه ارسال و اورالرجه نوادر دن عد اولنور» (۱).

سلچوقیلر زماننده آنطالیه بی اداره ایدن تکه بکی مقدم و شجیع اولدوغی

كجى ، علم و معرفت اربابى ده حمايه ايدردى . كنديسنك فنارى اوغلى مولانا شمس الدين بويوك حرمتى واردى . فاتحك (دفتر اوقاف ولايت تكة) عنوانلى دفترندن آكلاشلايفنه كوره (قرية آده) ي مولانا شمس الدين ابن محمد الفنارى به ويرمش . دفترده عينا شو قيد موجوددر :

« قرية آده مرحوم تكة بك (١) آنطاليه شهرين كافردين فتح ادهك وقف ادوب فنارى اوغلى مولانا شمس الدين ورمش آندن صوكره مولانا قطب الدين تصرف اتمش آندن صوكره بايزيد بك خندكار تكة الن اليجاق عيسى بك چلبيه ورجك خاص اتمش خزيندار عليه ورمش لر تصرف ادركن كرو مولانا شمس الدين ورمش لر آندن صوكره قاضى احمد تصرف اتمش صوكره مولانا قاضى وليدين يمش آندن صوكره تكة اوغلى قولى خزيندار شاهين تصرف اتمش صوكره قرمان زمانى اوليجاق كرو مولانا شمس الدين ورمش لرو مرحوم سلطان تكة الن اليجاق خليل بك ايلي يازمغه چيفجاق تيماردردو اوچ قوله ورمش صوكره مولانا قطب الدين يمش شمدكيحاله مولانا مصلح الدين النده در ديو آهم بك دفترده قيد اولمش وهم اولوقتدنبرو قاضيلر تصرف ايدرمش شمدكيحاله مولانا انطاليه قاضيسى سيد احمد تصرف در . خانه ٢١ ، محصول اون بر بىك طقوز اللى بش آچه »

فاتح دفترنده كى قيده اسمى كچن فنارى اوغلو مولانا شمس الدين مصرده تحصيلنى اكمل ايله مشدر . آنا طولوده استادلرى علاء الدين اسود ، جمال الدين آق سرايى ، مصرده ده شيخ اكمل الدين در . غازى خونكار زماننده ايلك مفتى اولان ذاتدر . بروسده وبادن وفات اتمشدر (٨٣٢) . يوزى متجاوز اثرى واردر .

مولانا قطب الدين ايزنيق ده ، دورينك اك بويوك علما سننددر . تيمورك ظالمانه اجراآتى يوزينه قارشى تنقيد ايله مشدر . تفسيرى ، وتور كچه (راحة القلوب) ي مشهوردر . وفاتى ٨٢١ ده در . ايزنيقده مدفوندر .

مولانا مصلح الدين ، خواجه لقبيله معروفدر . بدرى يوسف بن سالمدر . استادلرى آيا نلوع چلبيسى محمد افدى ايله حضر بكدر . فاتحك معلميدر . ادرنه و استانبول قاضيلقى ، ايزنيق مدرسلكى اتمشدر . ٨٧٧ ده بروسده سلطان مدرسه سى مدرسى ، بعده مفتى اولمشدر . وفاتى ٨٩٣ ده در . بروسده امير سلطان جوارنده مدفوندر . بناء عليه كرك رسمى قيده و كرك سائر قيدلره نظراً تكة اوغوللرينك تاريخى شو صورتله خلاصه ايديله بيلير : تكة ليلر اسكى بر توركن عشيرتيدى . سلجوقيلرك

انقراضی اوزرینه تکه بکی ده استقلالنی اعلان ایتدی. تکه ایلی، اورخان بك زمانده قارامانلیك نفوذی آلتنه کیردی. تکه ایلی امرادن یونس بك اداره ایتدی. یونس بك امیر السواحلی . بعده یونس بك اوغوللردن حضر بك ، داها صوگرا حضر بك قاردشی محمود بك اوغلو محمد بك حکومت سوردیلر . محمد بك (سلطان السواحل) عنوانی آلدی. اسکی جامعی تعمیر ایتدی. کتابه سنی یازدیردی (۷۷۴).

« بسم الله الرحمن الرحيم بعده فضل الله تعالى بعناية الله العاليه من فتح انطاكيه بنی جدد هذه الجامع الشريف المباركة المكرم المواهبه الوهاب امير المؤمنين السلطان السواحل زمان الدراب والدين محمد بن محمود بن یونس خلد الله ملكه الحادي والعشرون من ذی القعدة لسنة اربع وسبعين وسبعمائنه معماره بلبان الطواشي »

بایزید بك، تکه ایلینی فتح ایتدکن صوگرا (۷۹۳) ، اوغلو عیسی چلبییه خاص تعیین ایتدی. (آنطالیه) قوماندانلغنه امراسندن فیروز بکی کوندردی. تیمور فلاکتی متعاقب، تکه ایلی قارامان خاندانک نفوذی آلتنه کیردی. تکه اوغوللری الآن برحیاتدیلر.

دردیجی مراد زمانده تکه ایلده تکه اوغولونک حفیدلردن عثمان بك یاشایوردی. قارامان اوغلو محمد بك، عثمان بکی تشویق ایتدی . حتی کندیسیمه اتفاق ایتدکن کری دورمادی . او زمانلر آنطالیه قلعه سنک محافظی ، بایزید بك امراسندن فیروز بك اوغلو حمزه بکدی . عثمان بك آنطالیه بی قوشاتدی ، حمزه بك مردانه قارشى قویدی. نهایت عثمان بك خسته لاندی ، صوبی وهواسیمه مشهور اولان (استانوز)ه چکیلدی (۱) و حمزه بکه التجا ایتدی . قارامان اوغلو محمد بك بوخبر اوزرینه حدتلندی ، آنطالیه اوکنه کلدی ، شهرى فنا حالده صیقیشدیردی. فقط قلعه جوارنده کندیسنه برکله اصابت ایتدی. وجودی پارچه پارچه اولدی. معیتی،

(۱) صحائف الاخبار ، جلد ۳ ، ص ۲۴۴ ده بوشهری (آنانوز) دیه قید ایدیورکه،

بوفلاکت اوزرینہ ، بوسبوتون تلاشہ دوشدیلر . بکلرینک پارچالائش نعشنی قاپارق
 قاجدیلر ، اردوکاھی بوتون خزینہ لریلہ براقدیلر . حمزہ بک قلعہ دن چیقدی ،
 اردوکاھدہ کی غنیمتلی آلدی ، رکاب ہایونہ لایق اولانلرینی کوندردی . کندیسہ
 ظفر مکافاتی اولارق خلعت و مجوہر شمشر کوندریلدی . آناطولو بکلربکیلیکیلہ
 برابر تکه اوغلونک همشیرہ لرنندن دہ بری ویریلدی . صوفیہ ، حمزہ بکہ خاص تعین
 اولوندی . تکه سانجاغی دہ عہدہ سنہ تفویض قیلندی . بوسورتلہ تکه ایلی صوگ دفعہ
 اولارق عثمانلی تورکلرک ایلنہ کچدی (۱۸۳۰) .

ایکنجی مراد زمانندہ ، تکه اوغلو عثمان بکک عصیانندن اول ، ایکنجی مراد
 کوچوک شہزادہ سی مصطفی چلبی پی حمید ایلی نہ والی نصب ایتدی . حتی مصطفی
 چلینک قارامان و کرمان اوغوللریلہ اتفاق ایدرک باباسی علیہنہ عصیان ایتہ سی ،
 بورادن باشلار . بوسبیدن تکه ایلینہ تابع قریہ لرک قسم اعظمی یا اسکی تکه بکلرینک
 ویا عیسی بکک مصطفی چلینک وایکنجی مرادک وقفلریدر . حتی قاش توابعندن
 شیخ بک زاویہ سنہ بر قاج او یاپدیروب وقف ایدن ، ایکنجی مرادک انشہ سی
 وسلچوق خاتونک زوجی مرحوم قرہ جہ بکدر .

فاتح سلطان محمد زمانندہ کی اوقاف دفترندن آکلاشیلدیغنه کورہ تکه ایلینک
 اوقافی دفتر ایدنلر ، ایکنجی مراد زمانندہ اوروج بک چلبی ایلہ ادہم بکلردر .

فاتح دورندہ تکه ایلی نک وقف قریہ لری شونلردی :

آنطالیہ توابعندن : کیرتی بولی ، قوجہ یری ، اودان ، بورکیر ، کچی کوپرو ،
 چکلیج ، سلامت بوغازی ، آدہ ، قالقانلو ، اقلار کوی ، فیکہ .
 قاش توابعندن : آرمود آغاجی ، کومبہ چقور ، کومبہ کدیر ، کومبہ ،
 کسک .

استانوز توابعندن : بایر ، چردکین ، بایاد کوی ، المالو ، آچہ حصار ، ایمان
 کوی .

قرہ حصار توابعندن : کچچی .

تکه ایلیندہ آخیلرک تشکیلاتی فاتح زمانندہ موجوددی . تکه ایلی بر جوق
 زاویہ لرلہ دولو ایدی . حتی تکه بکنک آناسی سلطان خاتون ، استانوز توابعندن

المالوده سیدی حضر زاویه سنه اون مدلق یرله بش دوئم باغ وقف ایتمشدر. کذا قره حصار توابعندن بالی زاویه سنه ده سلطان علاءالدین سلجوقی (کچچی) قریه سنی وقف ایتمشدی .

تکه ایلنده فاتح دورنده کی زاویه لر وتکیه لر شونلردی: آنطالیه ده (قیلجیجی یوسف زاویه سی) ، فنکه توابعنده (اودال (ابدال) موسی تکیه سی) ، قالقانلوده (اخی دولتخان زاویه سی) ، کومبه ده (شیخ اسحاق زاویه سی) ، (شیخ اورخان زاویه سی) ، استانوس توابعنده (حاجی بالابان زاویه سی) ، استانوسده (اردر اوغلی زاویه سی) ، قاش توابعنده (شیخ بک زاویه سی) .

فاتح دورنده آنطالیه قاضیمی سید احمد ایتمش . آده قریه سنی ده هپ قاضیلر تصرف ایدرمش .

ایکنجی مراد ، (آنطالیه) پی صوک دفعه اولارق فتح ایله دیکی زمان ، روملرک دینی حریتلرینی محافظه ایتمش . شهرده کی بویوک پانایا کلیساسنک وقف یرلرینی وباغچه لرینی حالیه متره پولیدلره ترک ایتمش ، والیرینه ده حکم ویرمش .

تکه ایلی ، ایکنجی مراد زماننده آناتولو سانجاقلری عدادینه ادخال ایلمش ، وقانونی سلیمان زماننده ده عین وضعیتی محافظه ایله مشدر . قانونی دورنده آناتولو ایالتی اون درت سانجاقدی . کوتاهیه (پاشا سانجاغی) ایدی . دیگر سانجاقلر وجه آتیدی : صاروخان ، آیدین ، قسطنونی ، خداوندکار ، بولی ، منتشا ، آفره ، قره حصار صاحب ، تکه ایلی ، حمید ایلی ، سلطان اوکی ، قره سی

بکربکینک اون بوک ، میرلورینک ایکی یوکدن آلتی بوک آچمه لکه قدرخاصلری واردی . تکمیل ایالته یوز طقسان بش زعامت ، یدی بیک بوز آلتش آلتی تیمار واردی . بو حسابجه بوایالتدن اون یدی بیک سواری جیقاردی .

آناتولو ایالتی نامی آلتنده بوسانجاقلر طوبلانیلمشدی . آناتولونک دیگر قسملری ده : ایالت قارامان ، ایالت قبریس ، ایالت دیاربکر ، ایالت قارص ، ایالت طربزون مثللو ایالتلره آیریلمشدی (اولیا جللی ، جلد ۱ ص ۱۷۸ : ۱۸۸) .

نومرو ۹ ، ورق ۵

دفتر اوقاف ولايت تکه

تعلقات اوقاف ولايت تکه

ناميت انطاليه

قریه کیرتی بولی، سیدی عدی اوغلو شرف اوغلی سیدنک (۱) تکه بکلرنداً (۲) و بایزید بک حنکاردن (۳) و مرحوم سلطاندن وقفیت اوزره حکملری وارمش و اروج بکی (۴) چلبی و اتم بک دفترده مقرر وقف یازمش لر شمدی کرو مقرر وقف در خانه و اون چفت طشرادن اکر لر و اودانده اکی (۵) چفتک ملک یری وارد

مزرعه قیرجه یرینوک اوچ حصه سى وقف در مذکور سیدی علی اوغلی شرف سیدنوک پیش چفتک یردر و چلتوکی (۶) اکلور
جماً
محصول
۴۰۰۰

بور کیرده شیخ بایزید اوغلنلری شیخ نینوک و شیخ انیانوک برچفتک وقف یرلری و برچفتک سبک وار قدیمی بکلردن و مرحوم عیسی بکدأ (۷) و سلطاندا (۸) نشانلری وارمش اتم بک دفترده بو اوزره مقرر وقف یازمش و صکره پادشاهمز حضرتلر مسلم دوتب انه نشان و مش شمدی کرو مقرر وقف
محصول
۲۴۹۰

کچی کو پروده عاقل سیدی اوغلی غزناک سیدینوک جکلیدج ارغی (۹) وقف در قدیم تکه بکلرنداً و عیسی بک و مصطفی چلبیداً (۱۰) نشانلری واردر بچوق مد (۱۱) چلتک اکلور اتم بک دفترده بو اوزره قید اولنمش در شمدی غزال سید اوغلی خلیل سیدی النده در
محصول
۱۵۰

(۱) سیدینک ، (۲) بکلرندن ، (۳) خونکاردن ، (۴) اوروج بک ، (۵) ایکی ، (۶) پرنج تخمی ، (۷) ییلدیریمک شهزاده سى ، (۸) ایکنجی مراد ، (۹) حرق ، قانال ، (۱۰) ایکنجی مرادک اوغلو کوچوک مصطفی چلبی ، (۱۱) برمد یکر می کيله در .

کچی کوپروده شیخ اسمعک (۱) آلت (۲) مدلق وقف بریر واردر
 قدیم تکه بکرنندن وعیسی بک و مصطفی چلبیدن نشانی واردر پچوق (۳) مد
 چلتوک تخم اکلور دیو اروجیکی چلی دفترنده ذکر اولندوغی کب (۴) قید
 اولمش اما اتم (۵) بک دفترنده بولمندی وهم اللرنده داخی حکملری بولمندی
 ایکن اولوقدنبرو وقفیت اوزره تصرف ادرمش شمدکیحالده نسلندن عارف
 سیدی متصرفدر

محصول

۲۰

قریه سلامت بوغازی تکه بک انسی (۶) سلطان خاتونی وقفدر انطالیده
 کندو مدرسه سنه (۷) اما قاضیلغه تعلق دکولمش صکره پادشاه امریله مولانا
 مصلح الدین (۸) النده بولند (۹) دیو اتم بک دفترنده قید اولمش صکره مرحوم
 مراد خان خندکار قاضیلقدن آیروب مولانا مدرس مصلح الدینه ورلش شمدی
 مذکور مصلح الدین متصرفدر مرحوم مراد خان خندکار نشانیه

خانه

محصول

۳۱

۵۸۵۵

انطالیه شهرنده اولان بیوک کلسه کی (۱۰) پنایه (۱۱) درلر اولدن وقف یرلری
 و بنججالر (۱۲) واردر مدربولید (۱۳) تصرف ادرمش (۱۴) دفترده یازلوبولمندی

محصول

۱۲۱۴

اما مرحوم مراد خندکاروک حکم (۱۵) وار

صارو اده درلرمش چلتک آرغی وارمش درت مد چلتک تخم (۱۶) اکلور
 وحاصل آلت یوز یکریم (۱۷) بش اچقه قاضی حکمندهدر دیو اتم بک دفترنده
 قید اولمش شمدی تفتیش اولپچاق اون درت مد چلتک تخم اکلورمش حاصل

(۱) اسمعیک ، (۲) آلتی ، (۳) بچوق ، (۴) کچی ، (۵) ادهم بک (۶) آناسی ،
 (۷) آنطالیهده کندی مدرسه سنه . بومدرسه خاتونیه مدرسه سیدر . (۸) ایکنچی مراد
 دوری علماسندندر . فاتحک خواجه سیدر . خواجه زاده لقبیه مشهوردر . بروسه
 مدرسی ، ادرنه و استانبول قاضیسی ، ازنیق مدرسی و قاضیسی اولشدر . ۸۸۷ ده
 بروسهده سلطان مدرسه سی مدرسی و مفتی اولشدر . وفاتی ۸۹۳ دهدر . بروسهده
 امیر سلطان جوارنده مدفوندر ، (۹) بولندی ، (۱۰) بیوک کلیسا . بالآخره جامعه نحویل
 ایدلکدر . قورقودجامی ، بوکلیسا اولمق محتملدر . (۱۱) پانایا ، حضرت مریم ، (۱۲) بانچه لر ،
 (۱۳) مژه پونید ، (۱۴) ایدرمش ، (۱۵) حکمی ، (۱۶) تخمی ، (۱۷) یکریمی ،

بوزاون مد . ۳۳۳ دفترده عينيله وقف اكلامش (۱) قاضى حاضر اولمغى (۲)
 اما وقفيت اوزره حكملرى وار دبدر (۳) كتورب كسترمدلر (۴) شمىدى
 كرو (۵) قاضى متصرفدر

قرية آده مرحوم تكة بك انطاليه شهرين كافردين فتح ادجك (۶) وقف
 ادوب (۷) فنارى اوغلى مولانا شمس الدينه (۸) ورمش اندن صكره مولانا
 قطب الدين (۹) تصرف اتمش اندن صكره بايزيد بك خندكار تكة الن اليجاق
 عيسى بك چلبه ورجك (۱۰) خاص اتمش خزينه دار عليه (۱۱) ورمش لر
 تصرف ادركن (۱۲) كرو مولانا شمس الدينه ورمش لر اندن صكره قاضى احمد
 تصرف اتمش صكره مولانا قاضى وليدين (۱۳) يمش اندن صكره تكة اوغلى قولى
 خزيندار شاهين تصرف اتمش صكره قرمان زمانى اوليجاق كرو مولانا شمس -
 الدينه ورمش لر و مرحوم سلطان (۱۴) تكة الن آليجاق خليل بك ايل يارمغه
 چقيجاق تيماردرديو اوچ قولة ورمش صكره مولانا قطب الدين يمش شمدكيحاله
 مولانا مصلح الدين الندهدر ديو انهم بك دفترده قيد اولمش و هم اولوقدنبرو
 قاضيلر تصرف ادومش شمدكيحاله مولانا انطاليه قاضيسى سيد احمد متصرفدر

محصول	خانه
اون بر بيك طفوز يوز اللى بش آقچه	۲۱

قلجى (۱۵) يوسف زاويه سنوك برپاره رى وبرد كرمى وارمش انهم بك دفترده

(۱) آكلمامش ، ذكر ايدلمش ، (۲) اولمغين ، (۳) ديديلر ، (۴) كوسترمه ديلر ،
 (۵) تكرار ، كرو ، (۶) ايديجك ، ايدنجه ، (۷) ايدوب ، (۸) مولانا شمس الدين
 عثمانلى توركلرده ايلك دفعه مفتى الانام اولان مولانا شمس الدين فناريدر . جمال الدين
 آقسرائينك شا كرديدر . بروسده وبادن وفات ايتشدر (۸۳۲) . (۹) قطب الدين
 ايزنيقيدر . دورينك ايلرى كلن علماسندندر . مؤلفاتى واردر . قبرى ايزنيقدهدر . وفاتى
 ۸۲۱ در . (۱۰) ويريجك ، ويرنجه ، (۱۱) علىبه ، (۱۲) ايدركن ، (۱۳) ولى الدين ،
 (۱۴) ايكنجى مراددر . تكةبى ۸۳۰ ده فتح ايتشدر . تكة ايلي بيلدريم بايزيد بكك
 وفاتى وانقره فلاكتى متعاقب تيمورلك طرفندن قارامان اوغوللرينه وپرلشدى . قيدده
 (قرمان زمانى اوليجاق) دن مقصد بودر .

(۱۵) قيليچى يوسف زاويهسى ، (اخى يوسف زاويهسى) ناميله مشهوددر . اخى يوسف
 محله سندهدر . زاويه نك كتابهسى شودر : « عمر هذا الجامع المبارك فى شهر سنه سبع

قید اولمش وقفیت اوزره شمدکیحالده قزی اوغلی عبدالجلیل النده در ۳۰۰
 فنکه توابعنده اودال (۱) موسا تکیمی دفترده یازلو بولندی اما قدیم ایامدن
 وقف امش (۲) شمدکیحالده پادشاهمز حضرتلری براتیله صافی محمدی النده
 وقفیت اوزره متصرف در

خانه	۳
محصول	۲۳۲۰

قلقانلوده ارساده امام اخی یوسف درلر اون مدلق ییری واردر وقف اخی
 دولتخان زاویه سنه بایزید خندکاردا ومصطفی چلبیدا نشانلری واردر اروچبکی
 چلبی واتهم بک دفترده مقرر وقف یازمشلر مذکور اخی یوسف فوت اولمش
 شمعی اوغلی خلیل فقی متصرف در مرحوم مراد خان خندکار نشانیه ۳۰۰
 اقلار کوبنده شیخ محمد اوغلنرینک اکی مدلق ییری واردر بایزید بک
 خندکار نشانیه اروچبکی چلبی واتهم بک دفترده قید ایتمش لرکی محمد ومصطفی
 النده مذکورلر فوت اولمش اغوللری بایزید ومحمد اوغلی علی وخیل واحد النده در
 محصول
 ۲۰۰

اقلارده شیخ یحیا بالنوک (۳) درت مدلق ییری واردر وقف قدیم تکه
 بکلرنداً بتلری (۴) واردر وشیخ عیسی بیله تصرف ادر (۵) اکی دفترده قید
 اولمش مذکورلر فوت اولمش شمعی موسا قردشی یوسف وقردشی علی وابراهیم
 تصرف ایدرلر مرحوم مراد خان خندکار نشانیه ۱۰۰
 محصول

(تعلقات قاسم اوقافلری)

ارمودا آنجنده (۶) شیخ احمدوک برچفتلک ییری ودرت دنم (۷) باغ وارمش
 وقف ، اروچبکی چلبی واتهم بک دفترده قید اولمش شمعی مرحوم مراد خان
 نشانیه شیخ احمد اوغلنر حسن واحد متصرف در

محصول
 ۱۰۰

(۱) آبدال موسی ، بروسه فتحنده اورخان بکه برابر بولونمشدر . موسی بابا نامیلده یاد
 ایدیلیر . امیر سلطان جوارنده وفات ایشدر . اورخان بک آبدال موسی نامنه برتکیه بنا
 ایتدیرمشدر . (۲) ایمن ، (۳) بالی نک ، (۴) بیلری ، نشانلری ، (۵) ایدر ، (۶) آرمود
 آغاجی ، آرمودلو ، (۷) دونم

مزرعه شیخ خلیک اون مدلق یری وبر دکرمنی واردر وقف، وبر اصبا
باغی وار قدیم تکه بکلرنداً و بایزید بک خندکارداً نشانی وار واروچبکی چلبی
واتهم بک دفترده مقرر وقف یازمشلر واتهم بک دفترنده یازلن حسن فوت اولمش

قردشی یحشی متصرف در مرحوم مراد خندکار نشانیله
محصول ۳۰۰

کومبه چقور باغنده ادریس شیخک سکز مدلق یری واون سکز دنم باغی
وقف دیو اروچبکی چلبی واتهم بک دفترده قید اولمش در مذ کور ادریس فوت

اولمش اوغلی شیخ احمد النده در
محصول ۳۰۰

کومبه ۱ کدیده زکریا فتنوک (۱) برچفتلک یری وبرپاره باغ واردر وقف،
شمدی زکریا فقی و مصطفی فقی اوغلی موسی تصرف ادرلر مش دیو اروچبکی
چلبی واتهم بک دفترده قید آتمشلر مذ کورلر فوت اولمشلر اغلیری (۲) سلیمان

فقی و محمود النده اما براتلری یوقدر
محصول ۲۰۰

کومبه (۳) قره شیخ یری وقف در شیخ اسحاق زاویه سنه اروچبکی چلبی
واتهم بک دفترنده قید اولمش شمدکی حالده اوغلی موسا فقی وقردشی عثمان اوغلی

سلیمان النده در
محصول ۲۰۰

شیخ اورخان زاویه سی دفترده یازلماش قدیم الایامدن زاویه امش (۴) کسک
ادلو برپاره یری وار ودرت دنم باغی وار وبر پاره یریداخی وار وقف در شمدکی جا

لده پادشاهز نشانیله بهلول متصرف در
محصول ۱۵۰

(تعلقات استانس اوغانلری)

بایرده قره شیخ معروفی سیدینوک برچفتلک واردر چردکین چفتلکی درلر
اروچبکی چلبی واتهم بک دفترده مقرر وقف یازلماش، معروف سیدی فوت اولمش

شمدی پادشاهز نشانیله محمود سید اوغلی احمد سیدی النده در
محصول ۵۰۰ خانه ۲۰

بیاد کویده چندار سیدی اوغلی مصطفونک (۱) برجفتک یری واردر وقف
قدیمی تکه بکلرنداً بتلری واردر واروچبکی چلبی واتهم بک دفترده مقرر وقف
یازمشلر شمدی کرو مصطفی تصرف ادر

محصول

۰۰

المالو توابعنده سیدی خضر زاویه سی قدیمدا زاویدر دیو جماعت کثیره
شهادت آدلر واروچبکی چلبی واتهم بک دفترده قید اولنماش اما پادشاهمز خلعت
سلطنته حضرتلری مذکور سیدی خضرالینه نشان هایون ورمش کی اولدن تصرف
اده کلدوکن کرو برقرار تصرف ایده دیو اول سیددا دفترده قید اولندی و سلطان
ختون (۲) وقفندن اون مدلق یری واردر و زاویه اوکنده بیش (۳) دنم باغ

محصول

واردر ویکجه ار نده اون بش مد چلتک تخم اکلور ۱۲۰۰

استنوس توابعنده خاص بلبان زاویه سینوک اکی پاره خراب باغی و اوچ پاره
یری و اکی دکرمی وارمش وقف و اروچبکی چلبی واتهم بک دفترده مقرر
وقف یازمشلردر شیخ حسین متصرفدر مرحوم مراد خان خاندکار نشانیه

محصول

۴۰۰

استنوزده آچه حصارده ایمان کوینده شیخ الیاسک اوچ چفتک یری
وارمش براق چفتلکی درلر تکه بکلرندن وقف امش اردر اوغلی زاویه سنه
اروچبکی چلبی واتهم بک دفترده مقرر وقف یازمشلر و هم اتهم بک دفترده
نسلندن کسه بولمدی رسول فقی اوزرینه یازلدی دمش (۵) شمدکیحالده مرحوم
مراد خان خاندکار نشانیه احمد و محمود متصرفدر

محصول

۲۰۰

کومبده قره شیخ یری وقفدر قدیم تکه بکلرنداً شیخ اسحاق زاویه سنه
شیخ اسحاق تصرف ادر دیو اروچبکی چلبی دفترده وقفیت اوزره قید امش
شمدکیحالده شیخ اسمعل الندهدر ۳۰۰

محصول

۳۰۰

(۱) مصطفانک ، (۲) سلطان خاتون ، تکه بکنک والده سی ، (۳) بش ، (۴) تخمی ،

(۵) دبمش ، (۶) اسماعیل

قاش توابعندہ شیخ بك زاویہ سی دفترده بولمندی اما مرحوم غازی قراجہ بك (۱) برقیج ایولر (۲) یازوب الینه کاغید ورمش پادشاهمزددرکاهنه عرض اولمش مرحوم مراد خان حندکار مسلم دوتب الینه حکم ورمش و قزجله بکک یری وقفدر ایفور اجنده (۳) یرلری داخی واردر دیدلر

محصول

۲۰۰

(تعلقات قره مصار ارفاندری)

مزرعه کیچچی وقفدر بالی (۴) زاویہ سنه قدیمی سلطان عل الدین (۵) وقدیمی بکلردن نشانی واردر دیو آتهم بك یازدوغی دفترده قید اولمش و هم مرحوم مراد خان حندکار نشانیه مقرر وقفدر

محصول

۴۰۰

اقلارده شیخ خلیل اوغلنلرینک برچفتلک یری واردر وقف آتهم بك دفترده قید اولمش شیخ عثمان النده دیو مذکور فوت اولمش اوغلنلری محمد واحمد و خلیل و سیدی علی النده در

محصول

۰۰

(۱) قره جه باشادر . سلجوق خاتونک زوجی و ایکنجی مرادک اشته سیدر . وارنه غزاسنده شهید اولمشر (۸۴۸) ، (۲) اولر (۳) اوچنده ، (۴) بالی زاویہ سی ، بالی بابا زاویہ سی نامیله مشهوردر . (۵) سلطان علاء الدین .